

docriver 文川网  
古籍书城  
入驻商家  
在文川网搜索古籍书城 获取更多电子书

中國方志叢書·華中地方·第二五八號

據

清·項珂修，劉馥桂修  
同治十年刊本


影印

江 西 省

# 萬年縣志

(一)

成文出版社有限公司印行



8

中國方志叢書·華中地方·第二五八號

據

清·項珂修，劉馥桂修  
同治十年刊本

影印

江 西 省

# 萬年縣志



成文出版社有限公司印行



\*10096998\*

中國方志叢書·華中地方·第二五八號


據

清·項珂修，劉馥桂修  
同治十年刊本

影印

江 西 省

# 萬年縣志



成文出版社有限公司印行



docsriver 文川网  
入驻商家 古籍书城

在文川网搜索古籍书城 获取更多电子书

中國方志叢書·華中地方·第二五八號

據

清·項珂修，劉馥桂修  
同治十年刊本

影印

江 西 省

# 萬年縣志



成文出版社有限公司印行



\*10096996\*

中國方志叢書·華中地方·第二五八號

據

清·項珂修，劉馥桂修  
同治十年刊本

影印


江 西 省

# 萬年縣志

(五)

成文出版社有限公司印行

9665/05



中國方志叢書·華中地方·第二五八號

據

清·項珂修，劉馥桂修  
同治十年刊本


影印

江 西 省

# 萬年縣志

(六)

成文出版社有限公司印行



中華民國六十四年 月壹一版

# 萬年縣志

全六冊

發行人：黃 成 助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號



同治十年重修

萬年縣志

本衙藏板

敘

世稱縣志善者本首推武  
功朝邑諸志武功原書  
荆地志繁澗之昭書止  
之篇義例分明綱目具

談朝邑韓書正二十餘  
頁上下數千年包括巨  
細若有餘閑名局促東  
縛之迹此足見文簡事  
衆志書之體要備此即

志書之能事盡此萬年  
縣建於前明邑居鄱餘  
樂貴四邑之徼道先初南  
海張宗裕纂輯以後迄  
今四十餘年政由俗遷治

隨時變凡風土人情升  
降移易月異而歲不  
同同治四年己丑臘月珂  
來治野土公餘與邑人士  
採績遺聞每思補訂

整頓正有志未逮八年己  
巳春調署鄱陽九年  
庚午五月重履萬年任  
奉大憲議修通志檄  
各屬增修以資採定

六月稟報竣局按萬邑  
鄰境前渝兵變徵文致  
獻任斯事者較難於  
昔延邑紳士劉馥桂  
等博訪廣詢分纂彙輯

各董其事閱十月書  
成不漏不誣不贅不濫  
以異繁簡得中具有  
史法敢謂占盡功朝邑  
諸志擬美後先哉抑余



更有說焉夫文物之流  
傳風俗之樸雕與夫  
官司政事之得失時雖  
久而不遺事雖細而必  
錄非徒以網羅放失也

docsriver 文川网  
入驻商家 古籍书城

在文川网搜索古籍书城 获取更多电子书

閱是編者誠能省里閭  
之疾苦攷運會之盛衰  
將因革損益擇善而  
從其即繫於此也夫  
時

同治十年八月知萬年縣  
事錢塘項珂謹序



明正德庚辰縣志舊序

舒清德興人

萬年爲饒新造邑居鄙餘樂貴四邑之微地僻而土  
剛山深而嶺峻民生其間多負氣尙俠且去各縣治  
稍遠鞭長不及馬腹正德初歲饑遂烏合弄兵四出  
焚戮勢張甚上聞遣總制陳公金出師勦之踰年始  
平爰與方伯任公漢等議必置邑衷以官法庶無後  
虞疏奏乃割四邑附近地合爲一邑而開治所於萬  
年峯之陽總制俞公諫相厥攸宜察政吳公廷舉任  
營度之功邑治旣成而巡撫孫公燧至變通宜民適  
副憲許公庭光奉勅守茲土謂不域以衛之終非遠

圖卽躬版築之勞功旣完人心始有定向而政教旁  
達矣邑嘗有志作於鄱陽鄉進士劉君錄校正於郡  
守林公珙旣精且確顧其時更始未久庶事草創卒  
難搜羅事多闕以待後者邑令白侯繡由吾邑著能  
聲調是邑因閱前志嘆曰今地頗安文獻畢集夫今  
不葺後將不爲廢典乎謀於同寅縣丞高君惟廣主  
簿吳君元著典史湯君宏暨儒學教諭王君鑿訓導  
周君爵等禮致樂邑司鐸葉君裁葺編摩而王復校  
正焉於是邑之山川疆域田賦民風戶口丁役學校  
人才與夫前言往行陳迹舊聞俱詳紀無復遺憾矣

白侯將鑿梓以傳屬予序惟志之作所以貽範示勸  
爲民牧者一啟帙而挈千里於一日運四境於一心  
所覽者約而所澤者博矣志之有益於治也不亦大  
哉肅書以復白侯而爲來者告

明正德庚辰縣志舊序

樂平葉如樂淮南人教諭

凡邑有專志惟茲邑自羣邑衰析必合羣志彙成之  
前志稱於鄧陽鄉進士劉君世臣校正於郡守清源  
林公說詳其善矣無何版因藩寇散失邑令汪林是  
齋自俄深憐其滅爲邑董羞爰卽舊本屬予修而續  
之常備編而紀事惟上之者乃知之詳則一也予

異邦人郢書燕說矛盾牴牾安敢漫然爲管然賴有  
舊刻在叅以各邑志乘補綴釐正且經白侯之指授  
王學博之校讐乃敢登載蓋其慎也昔朱考亭出守  
南康首詢國志君子謂其知所先侯其考亭之徒乎  
凡政知所先則事無不治予故樂應其聘與淵穎諸  
君子考訂共成之而序其續脩之意於簡末

康熙癸丑縣志舊序

郡守

王澤洪

曲安人

萬年疆域原割都餘樂貴四邑之地以成社稷人民  
未嘗闕一也作志者編年載筆必推事所由始故先  
之以邑名志以誌地花封繡壤犬牙相錯而邊腹各



殊不容紊亂故次之以與地地奠矣必有所居故次之以建置居不可以無教則學校其大端矣秀者遊於庠樸者可不力於野乎食爲民天故田賦綴於學校民篤樹藝之功歲時伏臘索饗報本則秩祀起焉享祀不忒而楚茨南山上下相與酬答致此休風者不在野人而在君子故秩祀繼以秩官官以興賢人文代起振興必賴乎師相事功宦蹟有若蔡文莊其人乎斯迄今爲烈也經傳富於石渠藻翰映乎奎壁後人闢起可以學爲文矣故以人物藝文終焉標是數者爲紀綱難以志職方之圖天府之版可也而況

區區四丸之地乎茲集雖簡而民社無漏義以之  
應

上命而資採擇有餘裕者王令續編之勤豈可泯也哉

康熙癸丑舊志序

邑令

王萬鑑

武林人

攷古鏡今在國有史在省郡州邑則有志志與史異  
名而同實也然史有褒貶以彰勸懲志則有褒而無  
貶卽勸以寓懲且志之作與脩例出於守土之吏與  
士著之紳士莫不欲後其山川風俗人物菁華誇前  
盛而表近徽未免有文勝質之弊若今日之脩舉起  
於賢宰輔之獻納

聖天子之俞允將欲一遵同風察往知來不下堂而周四海規一時以範萬世纖悉敢有訛妄哉萬鑑一捧是檄動色相戒茲邑雖割地新造而土地人民政事與各邦差等稽之前志而理學則有饒雙峰柴強恕曹无妄事功則有李伯玉王剛中諸公其餘一善可紀一節可風奇男烈女代不乏人昔分紀於四邑今分入於萬年矣查舊志脩於明正德十五年距今一百五十餘歲萬歷乙卯邑紳蔡毅申成績志因兵燹無存年湮事遠文獻莫考脩較他邑爲難爰請篤學好古之紳士相與徵文考獻博採野乘蒐遺闡隱芟繁

去僞輯成新志凡十卷其款目悉遵成格大都崇名  
教以致和雍陳士俗以備觀覽因名而責實使在下  
有所持循而安居樂業可詠君子萬年在上有所獎  
勵而保世無疆更可歌

天子萬年云

康熙癸丑舊志跋

原任秦江九達邑人  
安知縣

古人作志不啻爲邑中輯一大帳簿耳記有形爲無  
形之算記旣往爲將來之算何言之凡山川形勝封  
疆經畫與夫人物風俗皆有形而旣往者也而是數  
者必何如綱紀規撫之此則無形而將來者也卽有

以推無因往而知來風厲一世之機豈不在茲乎第  
名巨之邦文物璀璨若琛貝金璧爲居奇者所爭採  
若吾邑風景民物等之布帛菽粟質實而無華然老  
子曰不見可欲使民不爲盜不貴難得之貨使心不  
亂則菽粟布帛不猶愈於琛貝金璧乎古云風俗以  
道德爲重邑中如饒雙峰李伯玉柴中行曹先妄柴  
強恕諸公爲名賢冠冕各邑俱推崇之則功名之與  
道德重輕猶有分况富貴赫奕之區多務色貨侈奇  
表其爲風俗之害尤甚焉且夫女織誦農勤耕稼無  
伎巧之營鮮什一之逐模拙近古則秀民激於奇政

得披姚源自建縣後藉良牧之安輯民漸殷而知禮  
節鼎革初厄於鋒燹丁稅復多逃逋自王邑侯受事  
六載於茲不務赫赫之名力清糧賦剔虛詭用是逃  
民歸而荒蕪闢輸將歲皆足額烝黎乂安化行俗美  
矣脩志之役因文獻無徵廢墜日久強以屬達達自  
慚難副然惟舊志是遵慎加採擇慄邑侯毋濫毋僞  
之誠有務虛名而希纂入者必堅拒之或不免其淪  
泯第人事出入與夫貴賤所徵登記得清一任將來  
盤筭淺言之猶帳簿文言之卽信史可俟採風之取  
裁焉


docsriver 文川网  
入驻商家 古籍书城

在文川网搜索古籍书城 获取更多电子书

康熙癸亥舊志序

郡守 黃家蓮 三韓人

饒之舊屬六明正德間析鄱餘樂及信之貴溪四邑之境而爲邑曰萬年環山疊嶂中昔之蜂屯蟻聚不可梳爬者自爲縣治而熙壤成俗其困沃衍其民安恬視他邑反若過之嗚乎地豈不以人治哉縣旣新創凡版籍紀載悉散著於二郡四邑之中非賢有司與資士大夫之招撫薈萃則一邑之事不廢不完後之人將何所鏡焉以消息政化故脩舉志乘觀他邑更急且難也雖然無所爲襲則版籍之蠹蝕紀載之紛糺其叢弊猶未甚而山川風景不啻造物者





開闢以獻奇呈瑞於茲日人材物產昔所未洩則其  
發也必自新月異然則稽古之吏載筆之儒考覈編  
次緝爲完書亦若博望鑿空別成撰著然自定其  
來江右郡邑大抵殘破雖萬年介在荒僻亦復不免  
今湯火甫離山川如故而人物材產有不如昔日者  
矣令是邑者欲拊循而喚咻之以漸復其舊固自不  
易而乃能爲邑興廢墜計長久不特以自鏡得失而  
且以貽後之人則其令之賢爲何如也地以人治詎  
不信哉余不敏愧無以倡率僚屬而獲賢令以佐余  
之不逮因得志名簡端垂諸奕禩是亦余之幸也夫